



Broj: 01-04-5-3483/24
Sarajevo, 28.03.2024. godine

Na osnovu člana 13. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11) i Odluke o izmjeni Statuta Fonda za profesionalnu rehabilitaciju i zapošljavanje osoba sa invaliditetom broj: OPU-IP 1694/2014 od 15.12.2014. godine, a u skladu sa članom 69. stav 2., tačka d) i člana 70. stav (4) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22) Upravni odbor Fonda za profesionalnu rehabilitaciju i zapošljavanje osoba sa invaliditetom na 39. sjednici održanoj dana 28.03.2024. godine *donosi*

ODLUKU
o poništenju otvorenog postupka nabavke nadogradnje softverskog rješenja
„E-poslovanje“

Član 1.

Poništava se postupak javne nabavke nadogradnje softverskog rješenja cjelokupnog sistema poslovanja Fonda „E-poslovanje“ (JRJN: 72210000-0) za potrebe Fonda za profesionalnu rehabilitaciju i zapošljavanje osoba sa invaliditetom.

Član 2.

Postupak poništenja je u skladu sa članom 69. stav 2. tačka d) Zakona o javnim nabavkama.

Član 3.

Ova Odluka stupa na snagu danom donošenja.

OBRAZLOŽENJE

Na osnovu Odluke o pokretanju postupka od strane Upravnog odbora broj: 01-04-05-5-824/24 od 18.01.2024. godine odobreno je provođenje nabavke nadogradnje softverskog rješenja cjelokupnog sistema poslovanja Fonda „E-poslovanje“.

Procijenjena vrijednost javne nabavke (bez PDV-a) iznosi 200.000,00 KM (slovima: dvjestohiljada KM i 00/100). Za provođenje javne nabavke osigurana su sredstva Fonda za profesionalnu rehabilitaciju i zapošljavanje osoba sa invaliditetom, a u skladu sa usvojenim Finansijskim planom za 2024. godinu, broj: 01-02-4-16584/23 od 21.12.2023. godine, Izmjene i dopune Finansijskog plana za 2024. godinu, broj: 01-02-4-2005/24 od 23.02.2024. godine, Planom javnih nabavki za 2024. godinu broj: 01-11-15-16586/23 od 21.12.2023. godine i Izmjene i dopune plana javnih nabavki, broj: 08-11-15-2007/24 od 23.02.2024. godine.

Tenderska dokumentacija za dostavu ponuda u postupku nabavke nadogradnje softverskog rješenja „E-poslovanje“ broj: 08-11-15-1853/24 od 19.02.2024. godine je objavljen na portalu javnih nabavki dana 19.02.2024. godine pod brojem 175-1-2-17-3-17/24.

Krajnji rok za prijem ponuda bio je 14.03.2024. godine do 09:00 sati.

Pristigla je jedna blagovremena ponuda od ponuđača „FIXIT“ d.o.o. Sarajevo.

Dana 14.03.2024. godine u službenim prostorijama Fonda izvršeno je javno otvaranje blagovremeno prispjele ponude.

Komisija je nakon otvaranja ponude, uvidom u dokumentaciju konstatovala i sačinila Zapisnik o pregledu i ocjeni ponude broj: 08-11-15-2968/24 od dana 21.03.2024. godine sa navedenom preporukom Upravnom odboru o donošenju Odluke o poništenju postupka, obzirom da je ponuda ponuđača „FIXIT“ d.o.o. nepravilna. Naime, traženom tenderskom dokumentacijom, ponuđač u sklopu svoje ponude, nije dostavio potpunu dokumentaciju koja se odnosi na predugovore za spoljne saradnike koji su angažovani na poslovima koji su predmet ove nabavke. Dostavljeni predugovori nisu potpisani od strane izvršilaca i ovlaštene osobe, te nedostaje ukupni Izvještaj Centralne banke o otvorenim računima, sa potvrđama. Detaljan opis nepravilne ponude je definisan u Zapisniku o pregledu i ocjeni ponuda, broj: 08-11-15-2968/24 od 21.03.2024. godine.

Pouka o pravnom lijeku:

Ponuđač koji smatra da je ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu. Žalba se podnosi Kancelariji za razmatranje žalbi BiH putem Fonda za profesionalnu rehabilitaciju i zapošljavanje osoba sa invaliditetom, u pisanoj formi, u tri primjerka, u roku od 10 dana od dana prijema ove Odluke.



PREDSJEDNIK UPRAVNOG ODBORA

Dr. Senad Pešto

DOSTAVITI:

- Ponuđaču
- Upravnom odboru
- Sektor finansijskih i računovodstvenih poslova
- Služba za javne nabavke i informacione tehnologije
- a/a